



UKA 2019/154  
26/9-2019  
Nivi Olsen

**Uunga siunnersuut: Ilanniartut ineqarfii pillugit Namminersorlutik Oqartussat inatsisaat nr. xx, xx. xxx  
2019-imeersoq.**

(Ilanniartitaanermut, Kultureqarnermut, Ilageeqarnermut Nunanullu Allanut Naalakkersuisoq)  
(Siullermeerneqarnera)

Demokraatin suli isumaqarpugut ullumerniit suli amerlanerit inuussutissarsiutinut piginnaalersitsisussamik ilinniagaqarnissaat nunatta siunissaanut pingaaruteqarluinnartoq. Ilimangaara tammanna ataatsimiittarfimmi tamatta isumaqataaffigissagipput. Iliuuseqanngikkuttali tamanna pilernavianngilaq. Aaqqiiffigisassarpasuartigut aatsaat iliuuseqarnikkut taamaalissaq.

Meeqqat atuarfiani angusat pitsangorsartariaqarpagut. Inuuusuttut ilanniartarfii angusat pitsangorsartariaqarpagut. Naatsunnguamik oqaatigalugu ilanniartitaanerup iluani aqqutit tamaviisa pitsangorsaaffigisariaqarpagut anguniagarput inuiaqatigiit ilinniarluarsimanerusut angussagutsigu.

Tamatumuuna ilanniartuutitta inissaqartinniarneri qulakkeerniarnissaa pingaaruteqarpoq. Ilanniartut kisimiittuunerat, aappaqartuunerat, meeraqartuuneralluunniit aporfiginagu. Ilanniartut ilinniarnerik aallutiluassagiunikku inuaqatigiittut ilanniartunut atugassarititaasut pitsaanerpaat isumagisariaqarpagut, taamaalillutik ilanniartut ilisimalikkatik atorlugit inuiaqatigiinnut tunniussisinnaanngussammata.

Tamanna tunngavingalugu Demokraatit ilanniartut ineqarfii pillugit inatsisiornissamut suliniut ajunngitsutut isigaarput. Neriuginartumik taamaalilluta ilanniartut ineqarfii paasisaqarfiginerulissuagut aammattarlu nutaanik sumiittussanillu ilanniartunut ineqarfiliortariaqarnersugut. Qularisariaqanngiivippermil ilanniartut ineqarfii nik atorluaaneq ilanniartut ilinniakkamik naammassisisaqarsinnaaneranut pisariaqarluinnartuummat.

Tusaatissatullu tiguarput inimut attartornermi allanullu akinik aalajangersaatissanik inatsit piumasaqaateqalissammat. Tamannami ullumikkut aningaasanut inatsimmi malittarisassaqarpoq. Demokraatinut pingaaruteqarpoq paasitissallugu inimut akiliut ilanniartunut artukkiisuussanngimmat, ilinniartullu bankimit atortaqariaqarneranik imaluunniit ilinniarnerup saniatigut sulisariaqarneranik kinguneqartitsisunngisaannassammat. Uagutsinnummi pingaaruteqarpoq ilanniartut ilinniarnerik aallussinnaassagaat aningaasat inimut akiliutissat isumalluutiginagit. Matumuuna aki eqqortoq naammattorlu nassaarinisa pingaaruteqarpoq.

Taamatut oqaaseqarluta siunnersuut Inatsisartut Kultureqarnermut, Ilanniartitaanermut, Ilisimatusarnermut Ilageeqarnermullu ataatsimiitaliaannut innersuuparput.